



Umhverfissvið Reykjanesbæ

Framkvæmdaleyfi vegna bílastæða við Seltjörn

Reykjanesbær 5. maí 2020

Málsnr. -

Með vísan til framkvæmdalýsingar dags 18.03.2020 og umsagnar HES dags 04.05.2020 vegna fyrirhugaðra framkvæmda við bílastæði Seltjörn. Um er að ræða bílastæði á svæði 6, skýringamynd B eins og það er merkt á deiliskipulagsupprætti

Svæðið er deiliskipulag samkvæmt upprætti auglýstum í B-deild stjórnartíðinda 28. febrúar 2019.

Samskiptaaðili Reykjanesbæjar á meðan framkvæmdum stendur er Sigurður Ingi Kristófersson Deildarstjóri umhverfismála. Hann hefur eftirlitið með að framkvæmdin samræmist útgefnu framkvæmdaleyfi.

Gögn eru:

- Erindi umhverfismiðstöðvar: Framkvæmdalýsing og tölvupóstur með uppráttum dags 18.03.2020
- Erindi skipulagsfulltrúa til HES dags 28. apríl 2020
- Umsögn HES 04.05.2020

Samþykkt var á fundi Umhverfis og skipulagsráðs dags. dd. mm 20-- og staðfest á fundi bæjarstjórnar dags. dd. mm 20--

Virðingarfyllst,

Gunnar Kr Ottósson arkitekt
Skipulagsfulltrúi Reykjanesbæ







Reykjanesbær
b.t. Gunnar Kr. Ottósson
Tjarnagata 12
230 Reykjanesbæ

Reykjanesbæ 04. maí 2020

Umsögn

Heilbrigðiseftirliti Suðurnesja hefur borist umsagnarbeiðni vegna framkvæmda bílastæðis við Seltjörn.


Seltjörn er innan skilgreinds vatnsverndarsvæðis, Heilbrigðiseftirlit Suðurnesja gerir ekki athugasemdir á framkvæmdinni að því gefnu að farið sé eftir skilyrðum og verklagsreglum embættisins fyrir jarðvinnu og vegagerð innan vatnsverndarsvæðis.

Skilyrði og verklagsreglur fyrir jarðvinnu og vegagerð innan vatnsverndarsvæðis eru eftirfarandi:

1. Viðbragðáætlun vegna mengunaróhappa skal vera til staðar og rækilega kynnt öllum starfsmönnum er starfa við framkvæmdina.
2. Verksali skal tilnefna ábyrgðamann(fulltrúa) sem annast samskipti við heilbrigðiseftirlitið á meðan á framkvæmdum stendur.
3. Allir bílar og öll tæki sem fara inná vatnsverndarsvæðið skulu vera skoðuð af viðurkenndum skoðunaraðila eftir því sem við á, s.s. Bifreiðaskoðun og Vinnueftirlit.
4. Skilgreint svæði fyrir eldsneytisáfyllingu, fleygskipti eða skipti annar tóla á tækjum sem gæti valdið leka á glussa skal útbúið þannig að olíuskiptadúkur skal grafin í jörðu. Dúkurinn skal vera lagður í dæld sem mótuð er úr sandi. Yfir dúknum skal vera amk. 50 cm þykkt sandlag. Svæðið skal hið minnsta vera 4*8m.
5. Við eldsneytisdælingu skal tæki fært á skilgreint áfyllingarsvæði og skal áfylling fara þar fram. Við áfyllingu skal olíuklútur minnst 30x30 cm með krossskurði í miðju settur utan um olíustút tækis.
6. Ef eldsneyti, glussi eða önnur olía fer niður í sand á skilgreindu svæði skal fjarlægja sandinn án tafar og koma honum í viðurkennda spilliefnamóttöku. Þá skal slíkt tilkynnt til heilbrigðiseftirlitsins.
7. Vélarolíuskipti og glussaskipti skulu skilyrðislaust framkvæmd utan vatnsverndarsvæðis.

8. Starfsmönnum sem starfa inn á vatnsverndarsvæði skulu vera kynntar verklagsreglur ásamt almennum öryggisreglum og viðbragðsáætlun. Verkstjóri verktaka skal fara yfir þessar reglur með starfsmönnum sínum áður en störf á vatnsverndarsvæði hefjast.
9. Verkstjóri á verkstað skal yfirfara vélar og tæki sem eru inn á vatnsverndarsvæðinu á tveggja vikna fresti og skoða þau með tilliti til leka. Fylgja skal gátlista við skoðun og merkja við þegar tiltekin atriði hafa verið skoðuð.
10. Leitast skal við eftir fremsta megni að olíumagn í eldsneytisáfyllingarbílum sem fara inná vatnsverndarsvæði verði takmarkað við magn sem á að dæla í hvert skipti.
11. Við hverja eldsneytisáfyllingu skal eftirlitsaðili frá verktaka fylgja áfyllingarbílnum eftir á öðrum bíl inn og út af svæðinu til að geta gripið til aðgerða ef óhapp verður. Sá aðili sem fylgir eldsneytisáfyllingarbílnum í hvert skipti skal hafa til taks nauðsynlegan mengunarvarnarbúnað s.s ísogsefni og hafa þekkingu á því hvernig bregðast skal við ef óhapp eða slys á sér stað.
12. Verksali skal kalla til Heilbrigðiseftirlits Suðurnesja ef ófyrirséð vandamál er tengjast framkvæmdinni koma upp.
13. Tilkynning skal berast til Heilbrigðiseftirlitsins við verkbyrjun og minnst með viku fyrirvara um verklok.
14. Eintök af skilyrðum og verklagsreglum skulu ávallt vera tiltæk á vinnustað. Heilbrigðisnefnd getur endurskoðað skilyrðin ef í ljós koma annmarkar á framkvæmd þeirra eða skaðleg áhrif á umhverfi sem ekki voru ljós fyrir. Heilbrigðiseftirlitið getur stöðvað framkvæmdir á svæðinu ef ákvæðum skilyrðanna er ekki fylgt eða ef rökstuddur grunur er um að öryggi vatnsverndar sé ógnað.

Virðingarfyllst,



J. Trausti Jónsson,
heilbrigðisfulltrúi.